



城署志

縣城自漢唐來俱建於打鍾壩宋慶歷間移於山河堰北當褒谷南口北倚連城山褒水環其東南紹興初毀於兵燹慶元初知縣張寅重修嘉太中知縣陳彪繼葺城郭猶未脩也明洪武三年知縣段勉始築土城洪治十二年知縣張表始合官民鄉衛之力築城周二里半有奇分設四門詳邑人張瑞修城記正德四年蜀有藍鄙之亂奉令堅築東北則郡丞何子奇督之西南則衛指揮戴經督之時以倉卒塞其西門城高二丈池深廣

褒城縣志

卷六

城署志

一

皆七尺見太僕卿楊廷儀修城記嘉靖三十二年知縣張庚復表其門各有題額崇正甲戌流寇焚燬 國朝

康熙二十八年知縣雷闢重修周四里三分外系石砌

內用土築高二丈四尺底寬二丈八尺頂寬一丈四尺

磚砌城堞五百二十堵高二尺六寸乾隆十二年補修

東南北柵門嘉慶十五年久雨城坍道光元年知縣趙

廷俊捐修葺之城門樓東曰山河三堰南曰梁漢群峯

北曰褒斜二谷東南城隅魁星樓乾隆初知縣鄒麟建

縣治之徙自知縣竇充始營廳署兵燹後僅存東廳淳

熙十一年知縣張演重修嘉泰元年知縣陳彪繼葺乃於廳事之東爲堂者二堂後爲道寢結茅亭亭後建舫齋南鄭主簿張應昂爲作記明洪武三年段勉重建中愛牧堂後三事堂爲令宅東主簿解西典史解堂東有庫嘉靖中屢被盜知縣嚴霜始爲庫樓訓導黃江爲之記西爲獄所明末兵燹國朝康熙二十八年知縣雷闢重修自是歷任令宰隨時增葺有外內堂三寢室客廳幕館書齋脩焉東廊爲吏戶禮倉房西廊爲兵刑工衛房前儀門左有民班房右有衛班房又前爲大門爲

褒城縣志

卷六

城署志

二

照牆分東西二角門

有申明旌善亭

縣署前抵大街西爲馬房

卽開山驛也馬房迤西爲常平倉計貯穀八廩

外高台有九廩

東則今典史署矣

舊志縣前有新樓宋縣尉尙弼監修

儒學署在文廟東明倫堂前

蓮雲書院在城西南隅嘉慶十四年知縣傳承緝興建

義學在城西南隅

城守把總署在縣署東

巡檢司分防把總署在縣南

百里黃官嶺驛丞分防外委署在縣北九十里馬道驛

養濟院在縣署南舊爲陰陽學漏澤園在城西北二

里邑人李廷高置

演武場在北門外

公館在中街

文廟舊處山塢宋慶歷四年知縣竇克擇山河堰右得官地一廛徙建有碑記崇寧中知縣張克獲移於縣署西有眉山蘇時碑記乾道中何渙之慶元中知縣陳彪相繼修理益宏麗矣見提舉四川書局良記元季積廢明洪武三年知縣段勉移置城西南隅教諭居廟後訓導居廟左繼是訓導李均佐及成化初知縣李瓚相繼緝修歲久復弊宏治十一年知縣張表重修有大學士楊廷和碑記嘉靖十二年知縣嚴霜建啟聖祠於明倫

褒城縣志

卷六

城署志

三

堂舊址移明倫堂於射圃後未成而去教諭胡喬請於當道乃立堂五間博文約禮二齋建尊經閣濬泮池工未竣三十三年知縣張庚措置木材遴邑人李曉歐才華張世勲督工並修兩廡名宦鄉賢祠及戟門規模煥然其後有府照磨馬天駟知縣萬世謨相嗣修葺崇禎中被寇燬國朝康熙二十四年知縣雷闢捐俸重建有碑記四十八年知縣蔣爾庸創建明倫堂五十七年訓導李世景復增東西舍屋乾隆五十年訓導王巘捐修西書房三間嘉慶十六年知縣傅承緝詳請修理

學田九十七畝二分徵銀十一兩五錢一釐府志學田三

十七畝五分租銀七兩九錢三分九釐六毫

入學歲科每試額進文生十二名廩生二十名增生二

十名二年一貢歲試額進武生十二名

文昌宮在治南乾隆二十五年知縣曹良建

關帝廟在城東隅卽武安王廟元至正中建 本朝乾

隆九年知縣鄒璘重修又鷄頭關上

名宦祠祀宋張浚 鄉賢祠祀漢鄭樸

忠義祠祀故縣令汪銓 節孝祠

褒城縣志 卷六 城署志 四

右四祠並在文廟戟門外左右對列

曹公廟在東門外山河堰左祀漢平陽侯曹參宋慶歷

中建有寶縣令充修廟記政和五年勅封神為惠遠侯

明嘉靖中知縣張庚奉劉巡按齊副使議庇材鳩工為

亭殿碑亭門楹並設蕭鄼侯何像共祀焉 國朝康熙

中雷知縣闢乾隆七年吳同知敦禧相繼修葺 又鄼

侯廟在縣南流珠堰 報功祠在城北門內右祀鄭撫

理少卿土地祠在縣署東舊為主簿廨又日衙 獄

神廟在縣儀門外左 城隍廟在縣署東南元至正十

年建明初段縣令勉重葺邑人張棟作靈應記道會司
住之 本朝康熙四十四年熊同知延拓其基構廊寢
其右爲五皇殿火神殿

社稷壇在城西南隅知縣張庚建壇高二尺五寸濶二
丈五尺陞五級 山川壇在鷄頭關 風雲雷雨壇在
連城山隈乾隆中邑令呂兆鬣爲置祭田三畝厲壇在
北關 馬神廟在署西及青橋馬道二驛

褒廉二水並滙於漢川其津渡處冬橋而夏船其他溪
澗通津或石或木橋梁成焉城南門外有大通橋明同

褒城縣志

卷六

城署土

五

知劉璽建知縣張表陳言諫重修後爲水冲斷 國朝

康熙中知縣顧畏重建 城南一里西河橋

嘉靖間建

河東店有豐樂橋

雍正中

軍民橋

軍民分界處

張寨有漢溪橋

乾隆中

范寨有永載橋

乾隆初建

宗營鎮有大橋

隆慶中

老道寺有順天橋又西五里爲海棠橋西北有宇宙橋

通雲霧山

打鍾壩屬有周麻橋又南有周家橋柏鄉橋鄭家營有
八仙橋王家營有大河橋其右有大斜橋

長林鎮有興龍橋

乾隆中

建 谷寨有莎蘿橋

北棧七盤山下有天生橋大石跨烏龍江舉足可越又

北為獨架橋方正學有詩麻坪有永安橋馬道北有樊

河橋相傳漢樊噲所建也明劉巡道重修有推官李良碑武曲舖有飛

霄橋武關東有新開橋又有西溝青水等橋並在棧內

褒水津渡曰山河渡城東門外官渡夫八名明龔學使題曰龍江晚渡捷灘渡

南十里珍寶渡南二十里大江渡南二十五里漢水津渡曰

賈村渡申家渡洪山渡南十五里雍池渡南三十里尤家渡

南四里廉水津渡曰柳堰渡段家河渡彭家集渡並南六十里

高臺渡西南六十五里水南渡西南七十里龍潭渡廉水渡並西南八十里

褒城縣志 卷六 城署志

寺觀庵院僧道之所居亦四民游會之區也其建設亦

亘古不廢焉

縣南打鍾寺唐賜名延慶寺僧會司住之孤山寺洪武八年建在漢褒

間二水長林鎮有興龍寺小沙壩有皇恩寺明瑞王建中梁

山南有立鳳寺龍興寺縣南四十五里舊名梔子院宋紹興中建明景泰中重修

有盤石齊山寺南五十里宋端拱嘉定及明景泰中屢修石刻漢建壁間有端拱敕賜沙門顯

悟龍天申寺南六十里漢僧海公道場宋明重修之今日寒山寺高臺壩有高

臺寺青銚山有精嚴寺新羅僧建

縣東北寶峯寺與南鄭公建

縣西老道寺 一曰順天寺 柏林寺 去城二十五里 初名羅漢院 宋改資

國院有嘉定三年碑額 牛頭寺 一曰崇慶寺 唐貞觀中建 古襄國故址 一曰三陽寺

縣東三羊寺 爲迎春東郊 去城七十里 明 木坪寺 成

縣西南延壽寺 去城十里 石泉寺 天順八年建 雙溪寺 宋乾道中建 金華寺 明

化年重修 沙溪寺 明洪武年修 團堆寺 一曰龍泉寺 明天順

一曰福嚴寺 有仙人真身 洞龍骨塔

圓通寺 元至正 閩建

縣北青橋寺 一曰風雲寺 樊河寺 在馬道北

縣南寶積院 卽石窟寺 南入 嘉祐院 卽立石寺 南入 東

襄城縣志 卷六 城署志 七

南乾明院 卽中梁寺 新羅僧居 宋淳熙修 西北朝陽院 卽雲霧寺

西南有同樂院 真空院 在寶頂山 寶珠院 云

縣南虛谷庵 在長林鎮 鶴騰菴 在鶴騰岩 又有龍洞庵

南五十里 庵後有龍蟄洞 彌陀菴 有宋景履之撰 九聖讚碑 查家菴 在小沙壩 觀音菴

在雍西壩 水月菴 在雍東壩 東明菴 在慕讓寨 北有火場菴 去城百二十里

雲臺觀 在雲夢山巔 漢建宋慶元五年重修 明成化中奉勅修 觀前巨山刻

曰觀山 擊虎石柱 刻曰小李村社壇 嶺輔后 成化觀

上清觀 在縣東南十五里 明景泰建 屢經修葺 竹柏蒼翠 清流環

繞

典祀又有數廟附焉南五十里碧玉泉之北有靈澤廟
宋嘉定三年封神爲孚濟侯廟額曰靈澤其加封之牒

猶存又有張方承廟記澤潤廟在中梁山始以山有石馬夜

嘶俗號靈壽將軍立祠祀之宋封爲休應侯加廟額曰

澤潤縣舊志有自馬廟蓋在鶴騰岩雙泉之側通慧廟舊在縣東今青橋五

卽坪廟最顯祀神張嘉縣舊志唐人與李秘書友補雲居宰有善政沒而爲神宋封通慧

王元明壘加封號

崇應廟舊曰川王廟在縣治南五十里明宏治中知縣

羅瑞從民請復建邑人汪仲達爲之記

褒城縣志

卷六

城署志

八

張瑞修城記畧曰褒城縣治建自宋慶歷中歷我明於
茲五百餘年其城池與廢無徵可慨也僻邇山谷寇盜
虎狼出沒居者患之逆旅亦未便往來相傳以爲歷代
頻易且當衝衢不暇爲又阻於術士言版築之興不利
於官因仍至此也鹿邑張君表以宏治戊午八月來令
吾邑政務畢理因有設險之舉或以前言私相惑者輒
麾之曰保障斯民惟吾道耳遂集所部環視得可城地
二里五分有奇乃書四門而命之自北而西二百五十
四丈自西而南二十八丈自東而北五十八丈在官及

鄉市民爲之自南而東百十六丈開山甲丁互爲之區
畫允當聞者無不悅卽肇工於十月二十四日屬耆民
李政邱應陵敦役事親請巡閱出俸資以充勞費精密
若治家事匠役子來杵鍤聲相聞疊疊不倦已未春告
成其廣袤堅澗高深悉如命門東曰龍江西曰蜀道南
曰大通北曰連雲凡甃苦局鑰靡不完固自是王客帖
席頌聲載道美哉斯舉乎父老韓景輩欲勒其事於石
侯止之弗得乃請子文以鳴其盛

楊廷儀修城記畧曰正德己巳蜀有寇縱橫達巴間與

褒城縣志

卷六

城署志

九

漢中接壤中丞藍公璋駐漢中以事進勦僉事邊公億
專職撫民乃相與約束和輯申命布惠謂蜀寇且窮將
奔逸我土驚擾我民乃戒有司各飭其城褒城當秦蜀
之衝壤敞茲甚乃委府同知何子竒經始楨幹步自城
南包山絡原極於西北以瞰墨龍江計五千二百六十
餘丈糾民分工程力興事雉堞特起復慮土脉墳興城
不能久以累後人爲屋城上四百九十間計九百餘楹
覆以瓦可通行逶迤若長蛇城高二十尺南北建樓五
間經始於壬申秋八月越明年夏四月告成又明年知

縣事石君宗泰持城事始未授予乃爲之言曰方城外盜賊充斥鄰封焚劫殆盡藍公邊公乃能協謀約已裕民自褒城旣完坐銷窺覘之心其活民命者不下千萬計褒人其有思乎

張應昂重修縣宇記畧曰漢中諸邑褒爲古石門銘高祖受命興於漢中道由子午出散入秦蓋漢王初就國由蝕中後定三秦從故道必由褒以達散關唐時驛亭記稱天下第一驛宋閱金兵令廨僅存東廳旣與敵和四十年陳君彪字長文開封人居官不肯碌碌卽廳事之東爲堂者二曰思無邪曰公生明以爲令燕閒居也後爲道寢旁闢二室前結茅亭可以游覽以爲客館寓也堂後爲舫齋以慶元六年十二月興工明年正月畢

事

黃江庫樓記畧曰褒邑舊庫卑隘盜竊發貽累典守者嚴侯卜基於堂之東臺榭壁立高數丈許甃石砌甃堅不可入覆架樓閣峻不可升金帛貯中鬼神莫測雲梯上下至晚撤之典守者帖然矣始於嘉靖九年冬成於

次年春踰二載侯以直道解組汚判楊君署其事屬予

以記侯諱霜守已愛民積粟脩荒民無滯獄明倫堂社
學行署倉厥皆次第修舉出自已輸不擾於民禱雨晴
立應麥粟嘉瑞頻聞閭邑戴爲神君誠古之良吏也因
並記之

竇充重修大成至聖文宣王廟碑畧曰褒城縣隸封漢
中跨據秦隴控斜谷之險阻厥田沃衍其俗富庶舊廟
僻處山塢荒亭寥落芬椽傾頽風雨弗庇春秋釋奠何
陋如之充蒞事之初狀白於公府水部李公泰雅鎮藩
翰惇意儒宗亟從改作於近署擇堰右官地一廛芟穢
褒城縣志

卷六

城署志

十一

度址鳩工僇材踰月而棟宇新塑像列堂奧深邃開闔
有嚴慶歷四年九月謹記

蘇時新修縣學記畧曰崇寧改元之明年詔天下郡縣
皆立學於是選官重師儒給田以食養與教俱何其盛
耶褒城漢中之名邑土壤膏腴風俗醇樸慶歷中竇秘
丞爲宰始廟孔子於邑之東隅迨今六十餘年而令尹
魏郡張侯克獲來宰是邑銳意興作躬詣其舍不費民
財力而齋祠廊廡揖遜濟濟學成侯欲解去邑之父老

欲書石以紀其事歲六月癸未記

提舉良重修縣學記畧曰褒城令陳侯彪到官始蒞事
祇見於先聖先師顧瞻廟學太息曰學政首務也爲政
者孰不自孔氏今學校傾圯何以肅人心進其秀民而
告之曰此邦褒水三堰彷彿蕭曹遺跡而谷口有鄭子
真祠孫樵記褒城驛爲天下第一承平時經明行修舉
八行第進士者相接未易以邊邑睨也侯先捐俸士人
競勸首葺先聖殿正啟聖十哲位殿左右作崇祀堂壁
繪七十二賢外作三門列戟又作遠門以限出入祭器
用器精潔凡剏新屋二十間因舊而修之者十餘間經

褒城縣志

卷六

城署志

十二

始於己未孟秋而落成於季冬且謀置學田以待士士
德之而索記文於良良謂褒城之學自賈君充始廟祀
孔子崇寧初張君始創學舍乾道中何君渙之連帥吳
公各增修而未宏壯也今侯整飭邊士眎若內郡俾知
有禮樂教化之實其於邦人淬礪而琢磨之又修復崇
奉無教使後之官此者將以學校爲重其肯棄菁莪之
美而冒子衿之刺耶

良官提舉
四川書局

楊廷和重修儒學記畧曰褒城舊有學自宋慶歷乾道
嘉定間屢修之洪武中訓導李均佐成化中知縣李瓚

相繼修葺弘治戊午鹿邑張侯表來治縣事下車周視
廟學感焉踰年乃進諸生若父老及庶人在官者語之
曰漢中爲陝西望郡褒城漢中望縣自陝以西觀一省
之文教者終於是自川以北觀鄰省之文教者始於此
學校文教之本也賢才其徵也聞之百工居肆以成其
事庠序固士之肆也廢而不葺豈獨長人者之羞亦褒
人之責也褒之六堰自漢以來未之或廢也爲民之衣
食於是故不敢廢也不知飽食煖衣而無教則如之何
哉夫材褒所生也吾因褒之材褒人無力以終吾事可

褒城縣志

卷六

城署志

十三

乎衆皆曰諾乃白於馬副使懋周知府東皆曰此先務
也乃募習木者采於山工人之有事於官者亦復之首
建明倫堂翼以兩齋文廟及戟門兩廡因而新之燕居
有亭習射有圃食饌有堂鄉賢有祠厨庫俱以法脩經
始已未之春落成於庚申之冬人徒見其工之鉅而不
知其費之所出皆嘖嘖稱嘆侯亦樂其志願之遂也

雷闢修文廟記畧曰癸亥夏來蒞茲土值寇氛蹂毀禁
旅初旋下車見城社荒虛民屋落不滿十家官舍頽圯
學宮煨盡驛居狼狽舉目愁慘公務之暇徬徨終夜念

及褒谷衝疲屢經兵燹重以旱澇士民困於力而竭於財資生之不給遑修繕乎爰是樽節物力計年捐俸權其緩急而次第舉行之先葺驛居次營衙舍次治城垣然猶未安也春秋二祀衣冠環列享先師於榛艸中能無怨恫乎於是鳩工庇材越數月而

御書萬世師表之額來頒猗歟休哉宏文啟運世代其昌豈徒踞漢上之雄允爲邦家之光官茲土者其亦有榮施焉

寶充修漢曹相國廟碑畧曰褒水自斜谷至褒谷輻輳

褒城縣志

卷六

城署志

十四

衆流合城巨派於谷口作爲三堰橫截中流左右分注第一堰東西分兩渠溉褒城田第二第三堰分東四渠溉南鄭田西四渠平注褒城田製桐板以限其多少量地給之俾水均足而民息爭矣溝洫綺錯原隰龍鱗映滄周布沮洳灌溉每秋成多稼如雲露積抵京雖天時亢暘無災沴之虞一厘值不下五十萬錢仰三堰之利兼濟然矣堰之制聚以石束以木盛夏暴漲或至隕墜故褒城南鄭每歲孟陬藉丁役以繕完訖工府牧必親賑其績率爲常矩唐山南西道帥兼領營田堰之設不

亦重乎按圖經漢相國平陽侯曹公所肇創也耆舊之說亦咸如之禮曰法施於民則祀之能禦大災則祀之三堰之法施於民能禦旱暵之災誠有豐物輔世之大功爲廟致祀固其宜也充守是邑修其祠而爲之紀云宋賜封靈澤廟牒云禮部狀本府州官士庶王仲謙等伏見本縣山道村有泉名碧玉方畝泉在平地深廣五七丈琉璃色水自下吐出如珠琲纓絡迴旋縈繫上至水面膏淳黛蓄清瑩徹底無草荇蝦魚之產有莖菜輒自流出夏潦不溢冬寒不竭派流入溝渠者溉田數千

褒城縣志

卷六

城署志

十五

畝泉北有龍神祠春夏水旱禱者俱應慶元元年夏六月大旱前利州東路安撫使兼知興元府張公至祠下自禱於神連日大雨次年夏四月復旱又行禱雨有錦文小蛇雙首浮水面雨亦隨至禾麥大熟加修祠宇自後遇禱必應近於嘉定三年久缺雨雪恐傷二麥人心憂慌於是請祀而禱者千餘人巡督興元府諸堰所官於渠堰採訪靈跡祈禱於嘉定三年十二月十二日碧玉泉陰晦俄而雷雨大至嘉定四年四月日奉勅賜靈

澤廟爲額

按是牒文不得稱張公十二月不應有雷存疑

汪仲達崇應廟記畧曰川主廟在褒城南五十里許創
建無稽宏治癸丑神附靈於里人言曰某嘗廟食茲土
遺址且存盍興復以妥慰我也諸父老聞者告於邑侯
羅公瑞又上告於郡伯劉公璽咸異之遂下命從父老
之請飭所司聚材鳩工不踰年成正殿三楹前殿如之
翼以兩室甃砌柱石則仍舊得像刻於深壤儼乎若臨
是歲雨暘時百穀登災異息焉侯徃謁題其殿曰崇應
明年乙卯漢中大旱禱之輒雨嘉靖癸卯廟復傾墜褒
人毅然修新之增樓三楹名曰達貺高其門坊端嚴華
煥益過於昔至甲辰冬落成父老捐貲督程掄材增飾
同府掾岳興祿鄉丈人趨事效勤者書碑陰

李良漢樊河橋記畧曰馬道驛之北舊有樊河橋云漢

樊噲所建也歲久傾圮居民架茅其上隨構隨覆嘉靖

庚寅關南副使劉公正一每巡茲土憮然弗怡乃與郡守

孫公鑿捐金命驛丞閻柯營辦至辛卯冬年豐民暇柯

集坊民之有行誼者募工經營采石於山采木於林諏

日舉事明年壬辰春事就緒而馬公僉繼巡茲郡嗣爲

振作而此橋造成且龔密鞏固足垂永久由是以通秦

蜀商民甚便之

明方孝儒爲漢中府教授有獨架橋詩曰名爲不祥器
斯理昔未覺及茲困奔走始嘆立論確險哉七盤山羊
腸凌巘嶢三年八往返顛顛髮早白此行當盛夏溽暑
逞餘虐晝伏避蚊蚋宵征越林薄危橋滯袞水俯瞰波
流惡鑿石勞衆工緣崖構飛閣下扶千柱壯上倚浮雲
弱怒雷地底鳴懸瀑崖際落山中郵傳少過客資棲泊
勞者務苟安寧思非所託更闌急雨至洪濤相噴薄鬼
神助晦冥天地混磅礴病身倦輾轉酣寢絕疑愕晨興
褒城縣志

卷六

城署志

十七

宵景澄臨壑還可樂有生大化中萬變相綜錯所遇聽
自然何處匪安宅歷聘魯中叟泳歸沂上客勞逸命分
殊順俟安可擇

宋蘇軾常寓牛頭寺有贈明上詩曰一軸金剛一炷香
雪眉雙髻任蒼蒼去傳熊耳西來印歸茸牛頭舊住房
風靜水聲喧竹塢夜深雲氣濕龍牀迷途盡欲僧開悟
何事年來厭上堂

明張世美鶴騰菴詩洞古雲生石階斜竹破苔清虛明
月夜時見鶴飛來

龔填龍洞菴詩古塔凌雲上筍高斜陽半壓水嘈嘈老
禪掩却殘經坐靜聽鐘聲拂海濤

岳禮金華寺野望詩日綠秧白鷺水如藍楊柳村墟映
翠嵐行過小橋芳草路半晴半雨似江南

褒城縣志

卷六

城署志

十八

食兵志

褒城民里七曰在城里

洪武十七年羌民田九成作亂止遺民七十戶暫附沔邑亂平

復設縣治以七十戶立在城里

新安里

永樂開立

永豐里

正統開立

崇化里

天順開立

奉化里

率服里

居仁里

成化中都憲原傑大理吳道宏安集流民立

又

有新分里

乾隆初楚民流寓甚眾置田過糧邑令鄒麟別立新分里以便清查

衛里四曰元長里

本寧衛左所正軍三百七戶

亨嘉里

右所正軍利

和里

前所正軍一百五十戶

貞固里

後所正軍二百四十戶

民地除免荒外實熟地叁百貳拾伍頃叁畝捌分陸毫

征折色糧壹千貳拾壹石玖斗陸升伍合伍勺

每畝科糧叁升

褒城縣志

卷七 食兵志

壹合伍勺陸抄零折實征銀貳千六百伍拾玖兩柒錢玖釐計合每畝完折色銀捌分壹釐玖毫壹絲三忽零

民丁除免實行差丁肆千陸拾玖丁

每丁征銀肆錢伍分肆釐零共征銀

壹千捌百肆拾柒兩捌錢陸分伍釐

自康熙五十年後編審增丁永不加賦雍正五年攤入地糧

賦役書載均徭銀壹千貳百叁拾貳兩叁錢貳分肆釐每畝計

征銀叁分柒釐捌毫零

縣册滿年民賦額征銀伍千貳百肆拾壹兩陸錢叁分

陸分

賦役書載有柴山祭祀皂轎等銀肆拾柒兩壹錢叁釐停免銀貳伯柒拾陸兩捌錢

伍釐開山驛丁銀壹伯肆拾兩柒錢肆分壹釐

賦役書載草束

銀柒兩柒錢叁分貳釐開山糧折銀肆拾陸兩貳錢叁分玖釐地畝玖釐銀肆拾兩貳錢捌分陸釐

二驛除荒實征本色糧二百三石九斗五升一合每石折銀

兩折征銀二百三兩九錢五分一釐其折色糧五十七石八斗五合五勺
見前
折銀

屯地除荒免外實在共熟地九百二十一頃五十八畝

七分三釐上中下起科共征本色糧四千二百七十三

石八斗五勺每石折銀一兩共征銀四千二百七十三兩八錢

一釐較府志減銀四十餘兩蓋近年核免者條馬銀按畝派征屯丁除逃

免外實行差丁捌百壹拾壹丁三門九則編銀不等府志

條馬銀六百六十一兩八錢零縣冊載衛屯丁條銀八

屯丁銀二百三十一兩四錢較府志不同蓋歷年核減者府志又載有增抵補屯

襄城縣志 卷七 食兵志 二

更丁銀三百八十四兩零鹽課原引一千五百三十道並七分加增

每引一道攤課銀一錢五分共征課銀二百二十九兩

五錢嘉慶十四年攤入前項地丁銀內征收每正銀一

兩攤鹽課銀四分三釐八毫七絲三微六纖九抄實在

地丁正銀一萬七百九十五兩五錢二釐二毫共攤征

鹽課銀四百七十三兩四錢四釐過閏無增永不加耗

亦無蠲免

右除驛糧屯地鹽課三項銀不加耗餘銀六千二百五

十二兩一錢九分四釐隨征一五加耗計共耗銀九百

叁拾柒兩捌錢貳分玖釐

通共滿年徵收銀壹萬貳千壹百肆拾壹兩叁錢陸

分伍釐貳毫

解司各欸民賦正銀玖百伍拾肆兩壹錢貳分 屯丁

條銀捌百陸拾玖兩捌錢貳分叁釐 屯糧改折肆千

貳百柒拾叁兩捌錢壹釐 驛糧改折貳百零叁兩玖

錢五分 站支新墾銀拾陸兩伍錢壹分玖釐 官役

新增銀伍兩壹錢叁分貳釐 藥味銀肆兩捌錢 邊

塘夫馬工料銀貳百肆拾伍兩貳錢捌釐 耗羨銀十

裏城縣志 卷七 食兵志

柒兩捌錢貳分玖釐貳毫 鹽課銀肆伯柒拾叁兩伍

錢玖分肆釐

通共滿年起運銀柒千陸拾肆兩柒錢柒分柒釐貳

毫

畱支各欸開山青橋馬道夫馬工料銀貳千柒伯壹拾

陸兩柒錢叁分柒釐 餘領府庫銀詳後每馬一匹日支銀三分

分

知縣養廉銀陸百兩俸薪銀 除均攤外 實支貳拾肆兩叁錢

貳分肆釐 公費銀貳伯陸拾兩 內有驛丞養廉銀陸拾兩 門子二名

歲支工食銀拾貳兩皂隸十四名歲支銀捌拾肆兩作二名歲支銀拾貳兩馬快八名歲支銀壹百叁拾肆兩肆錢民壯四十六名歲支銀貳百柒拾陸兩禁卒八各歲支銀陸拾肆兩轎傘扇夫七名歲支銀肆拾貳兩庫子四名歲支銀貳拾肆兩斗級四名歲支銀貳拾肆兩各鋪司兵四十二名歲支銀貳百伍拾貳兩陸錢貳分捌釐黑龍江水手八名歲支銀拾玖兩貳錢大江渡水手一名歲支銀貳兩肆錢鐘鼓夫五名歲支銀壹拾貳兩

褒城縣志

卷七

訓導俸薪銀肆拾兩廩生二十名歲支糧銀伍拾肆兩伍錢齋夫三名歲支工食銀叁拾陸兩膳夫二名歲支銀壹拾叁兩叁錢叁分貳釐門斗二名歲支銀壹拾肆兩肆錢

典史養廉銀陸拾兩俸薪銀叁拾壹兩伍錢貳分門子一名歲支工食銀陸兩皂隸四名歲支銀貳拾肆兩馬夫一名歲支銀陸兩

馬道驛丞俸薪銀叁拾壹兩伍錢貳分廉銀在公費內皂隸二名支銀拾貳兩黃官嶺巡檢俸薪銀叁拾壹兩伍錢

貳分廉銀詳三岔驛丞俸薪銀叁拾壹兩伍錢貳分

隸支銀陸兩協兌鳳縣以上計共俸工銀貳千貳百肆拾壹

兩貳錢陸分伍釐並在本縣存

雜支各款春秋二季祭祀銀伍拾貳兩貳錢肆釐解司

鄉飲銀壹兩玖錢柒分陸釐解司時憲書銀陸錢伍分

伍釐解司紙劄銀壹兩壹錢叁分肆釐孤貧二十名口

糧銀柒拾貳兩花布銀叁兩陸錢肆釐以上雜支共計

銀壹百叁拾壹兩伍錢柒分叁釐

通共存留夫馬俸工雜支三項計銀伍千零捌拾玖

褒城縣志 卷七 食兵志

兩伍錢柒分伍釐連起運及存留貳共銀壹萬貳千

外領司發壇祠不敷銀貳拾壹兩壹錢肆分捌釐關帝

廟祭祀銀貳拾壹兩捌錢捌分文昌廟祭祀銀拾陸兩

柒錢陸分零壇祭祀銀肆兩 黃官嶺巡檢養廉銀陸

拾兩民壯四名工食貳拾肆兩馬道驛丞弓兵四名工

食銀貳拾肆兩並詳司領款外墊支囚犯鹽菜及移領

西鄉洋二縣發黃官嶺皂隸銀拾貳兩各縣陸兩

詳領府庫夫馬工料銀叁千零伍兩貳錢縣冊有抵兌

玖拾伍 兩貳錢

外征課程銀肆兩貳錢壹分捌釐係銷戶 畜稅銀肆

拾玖兩叁錢叁分捌釐係買驟馬出辦每價銀壹兩完稅叁分隨征隨解 當稅

每當鋪壹座稅銀伍兩見在當舖肆座 牙稅銀玖兩

陸錢共牙人四戶分肆等納稅 地稅銀陸拾兩叁錢柒分伍釐係

房地業主出辦原無定額隨征隨解

民賦該征本色糧壹拾石伍斗陸升貳合存留驛倉每

科叁勺貳抄陸撮零

倉儲常平倉拾伍所原額貯京斗穀壹萬柒千貳佰餘

石分貯本城及高臺壩 社倉肆所原額穀陸千餘石分貯本城高臺長林協稅

褒城縣志 卷七 食丘志 六

肆社於嘉慶叁年被賊焚掠二所餘軍需動用並民欠奉

文豁免外止實在貯谷伍拾捌石玖斗壹升實在貯麥

柒拾伍石陸斗壹升

明寧羌衛屯寨散處於褒城縣境設有千戶百戶兼司

驛站 開山甲軍一百一十二名青橋甲軍一百二十

名 本朝歸衛於縣別設城守經制外委壹員漢協營

撥兵五十名馬道經制外委壹員漢鳳營撥兵五十名

南褒把總壹員兼轄南鄭褒城 嘉慶捌年改設褒城汛把總

壹員屬漢中鎮右營分防都司轄鷄頭關塘 北關塘

麻坪寺塘 青橋鋪塘 老君寺塘 馬道汎經制

外委壹員屬右營轄馬道塘 二十里鋪塘 黃官嶺

汎把總一員屬左營游擊轄周家坪塘 竹壩子塘

黃草坪塘 高臺寺塘 唐口子塘 梁家營塘 廟

壩塘 鋼廠塘

褒城汎馬兵十名 步兵四十八名 守兵二名 馬

道汎馬兵六名 步兵三十二名 守兵二名 黃官

嶺汎馬戰兵五十名

驛站開山驛額設馬五十四馬夫二十五名扛夫七十

褒城縣志 卷七 食兵志

名 青橋驛額設馬五十二匹馬夫二十六名 馬道

驛額設馬五十二匹馬夫二十六名每年應共支銀伍

千柒百貳拾壹兩玖錢叁分柒釐 內馬料支銀叁千陸

百零叁兩陸錢馬夫 銀捌百叁拾壹兩陸錢扛夫銀柒百伍拾陸兩捌用銀

肆百捌拾兩伍錢柒分壹釐 除本縣存留銀貳千柒百拾陸兩柒錢叁分柒

錢叁分 釐 壹釐 除本縣存留銀貳千柒百拾陸兩柒錢叁分柒

釐 壹釐 除本縣存留銀貳千柒百拾陸兩柒錢叁分柒

馬銀貳百叁拾壹兩 鋪遞大江鋪司兵三名 柏鄉鋪司兵四名堡子鋪司

兵四名青橋鋪司兵四名二十里鋪司兵四名馬道鋪

司兵四名武曲鋪司兵四名焦崖鋪司兵四名依舊志名數

明張棟協濟夫銀記畧曰褒城當秦蜀之衝輶車傳足叫囂騷索由騶從以及力役皆害所伏褒之民分七里例以七里分屬於四季而時之間冗勢之難易弗論也沿習从弊端浸滋正夫不足覓餘夫餘夫不足而里夫壩夫並作矣民日益苦當事者遂謂褒為衝且疲也褒北至安山百八十里南至沔縣九十里東至南鄭四十里地里之遠近既殊扛運之分數又異不預為之所褒民其逃且死也忠州錢坡萬侯乙卯秋至加意民事慨褒城縣志

卷七

食兵志

雲棧之遠供億之因訪諸耆老可為民利者乃謁孫巡道銓李郡守議褒之難處者三事曰處排甲之馬以便走遞也集丁壯之兵以守城池也議協濟之銀以蘇力役也蓋褒非無力役之難而所以補助其不逮者為難因議添協濟銀貳百兩與驛四六分拾查照償值仍計道里近遠每十里一分則勞逸均而民力舒價值一而民心定矣如此則餘夫可罷賣鬻者不得專其利兼并者不得肆其奸無問夫之多寡以五分為率縣當其三而驛分其二不計勢之難易以正夫為節正夫不足

而銀夫方行按季而支擇長而授里夫壩夫不待草而自無矣

本朝方中丞維甸請改漢中鹽課疏畧曰漢中各屬額引二萬五千道每年應支鹽課銀叁千柒百伍十兩設有土商抽鹽辦課漢中本無殷商認充者率皆市僧而肩挑背負之人每遇抽課鬪毆爭競隨時懲辦不能盡絕臣查雍正十一年甘肅巡撫題請漢中改食花馬大池鹽乾隆元年陝甘總督劉於義河東鹽政孫嘉淦具題漢中鴛遠不得不賴小販以濟民食實運勢所難行

褒城縣志

卷七

食兵志

九

又洋縣於康熙三十八年該縣士庶公議按里攤額詳定章程西鄉縣亦卽仿照辦理蓋緣漢中地處萬山之中僅通負販該處食鹽有自花馬大池由鳳翔山內運來者有自川甘邊界運來者所設土商向不持引運鹽皆俟小販到境抽錢抽鹽謂之抽鹽辦課俟課項交足卽將官引截角繳銷謂之空截引角乾隆二年布政使帥念祖卽有詳請裁商照鳳翔洋縣攤納課銀之議今既復設土商則措勒多收之弊在所不免商販相激恐

釀事端

臣

訪詢情形漢中文武軍民所言相同與藩司

鹽法道明 虛裏商酌漢中鹽法自 國初至今
皆係小商並非商運商銷贅設土商徒使累民滋事似
應仿帥念祖原議將漢中一府鹽課照洋縣西鄉章程
一律攤納並請照鳳翔之例裁去土商永杜壟斷之弊
鹽價益賤民情益安每年交官課銀仍可絲毫無缺實
與官民均屬有益

節錄民賦役全書實征折糧銀貳千陸百伍拾玖兩
柒錢玖釐開青二驛糧銀貳百叁兩玖錢伍分壹釐
開山折糧銀肆拾陸兩貳錢叁分玖釐開青草東

褒城縣志

卷七

食兵土志

十

伍拾陸束拾柒筋捌兩

征銀柒兩柒錢叁分貳釐地畝玖釐銀

肆拾兩貳錢捌分陸釐民丁銀壹千捌百肆拾柒兩

捌錢陸分伍釐均徭銀壹千貳百叁拾貳兩叁錢貳

分肆釐柴山祭祀皂轎等銀

肆拾柒兩壹錢叁釐

停免銀

貳百柒拾

陸兩捌錢陸分伍釐

實共征銀陸千叁百陸拾貳兩陸分叁釐

零

加開壹百捌拾貳兩柒分核與縣冊不同

連雲書院嘉慶十四年知縣傅承緝興建房舍二十餘

間課讀有其地而師生膏火之資猶未備也迨二十一

年始將貧士學田撥歸書院三十畝九分道光四年陝

安道嚴如煜委員湯崇禮按畝丈量餘田一畝六分共
田三十二畝五分嗣後劉文章捐郝家洼子地三畝張
瑞雲捐圈馬灘地四畝曹俊捐望江寺小田二畝司有
用梅白損珍寶填馬家灘地一段傅全業捐沙河坪山
坡地一段蒲貴損水田三十七坵盤厓民人李如玉捐
西鄒寨地四畝又陸續置周家堰田七畝小斜堰田三
畝一分第三堰田三畝六分於主講修脯之資畧備焉
道光庚寅余宰是邑慮其出入不敷也辛卯冬力爲籌
畫置鄧家堰田二畝小白火石堰田五畝舞珠堰田十
三畝七分金華堰田四畝五分周家庄田二畝大斜堰
田一畝三分第三堰田七畝其時有民人李秀山捐孤
山寺河西淤出地四十畝蕭文理蕭隆損孤山寺河西
淤出地五畝許逢吉許國成捐東周寨大林坎地二畝
竊以爲三年以後庶乎粗有可觀壬辰春正月調任南
邑其志遂不果然後之宰是邑者繼此而積累之亦不
無小補云

文物志

褒谷溝洫志人有上書欲通褒斜道及漕師古曰褒斜二谷名其谷各自有水耳西都賦右界褒斜注引梁州記曰萬石成沂漢上七里有褒谷南口曰褒北口曰斜長四百七十里 按褒谷在褒城斜谷在今郿縣漢之武功本屬兩地世謂褒斜同為一谷非也

石門蜀都賦阻以石門注石門在漢中之西褒中之北鄙閣銘嘉念高帝之開石門元功不朽水經注褒水東北出衙嶺東南逕大石門故棧道下谷又東南逕三交褒城縣志 卷八 文物志 一 城又東南得丙水口又東南歷小石門又東南歷褒口又南逕褒城故城東又南流入於漢 按大石門在三交城北與小石門之在丙水口南者自別今惟小石門之在鷄頭關下者最著石刻甚多

漢郿君開通碑永平六年漢中郡以詔書受廣漢蜀郡巴郡徙二千六百九十人開通褒斜道太守鉅鹿郿君 部椽治級王宏史荀茂張宇韓岑等典作 太守丞 廣漢楊顯將 用 始作橋格六百二十三間 大橋 五為道二百五十里郿亭驛置徒司空褒中縣官寺並

六十四所凡用功七十六萬六千八百餘人死三十六萬九千八百四
器用錢百四十九萬九千四百餘斛粟
九年四月成就益州
東至京師去

就安穩
碑在石門洞宋南鄭令晏柔釋字

漢楊君石門頌惟坤靈定位川澤服躬澤有所注川有所通余谷之川其澤南隆八方所達益域為充高祖受命興於漢中道由子午出散入秦建定帝位以漢祇焉後以子谷塗路澀難更隨圍谷復通堂光凡此四道垓南尤艱至于永平其有四年詔書開余鑿通石門中遭

褒城縣志
卷八
文物志

元二西夷虐殘橋梁斷絕子午復修上則縣峻屈曲流顛下則入窰墮寫輪淵平阿淥泥常蔭薜晏木石相距利磨礪盤臨危捨碣履尾心寒空輿輕騎邁尋弗前惡重幣狩蝮蛭毒蟊未秋截霜稼苗天殘終年不登匱餒之患卑者楚惡尊者弗安愁苦之難安可具言於是明知故司隸校尉犍為武陽楊君厥字孟文深執忠仇數上奏請有司議馭君遂執爭百僚咸從帝用是聽廢子由斯得其度經功飭爾要敞而晏平清涼調和烝庶艾寧至建和二年仲冬上旬漢中太守犍為武陽王升字

雅紀涉歷山道推序本原嘉君明知美其仁賢勒石頌
德以明厥勲其辭曰君德明明燝煥彌光刻過拾遺厲
清八荒奉魁承標綏億衙疆春宣聖恩秋貶若霜無偏
蕩蕩貞雅以方寧靜丞庶政與乾通輔主佳君修禮有
常咸曉地理知世紀綱言必忠義匪石厥章恢宏大節
讜而益明揆在卓今謀合朝情醜艱卽安有勛有榮禹
鑿龍門君其繼蹤上順北極下咎坤皇自南自北四海
攸通君子安樂庶士悅雍商人咸喜農夫永同春秋紀
異今而紀功垂流億載世世嘆誦序曰明哉仁知預識

褒城縣志

卷八

文物志

三

難易原度天道安危所歸勤勤竭誠榮名休麗

王府君造石積事五官掾南鄭趙邵字季南屬褒中鼂
漢疆字產伯書佐西城王戒字文寶主王府君閔谷道
危難分置六部道橋特遣行丞事西成韓服字顯公都
督椽南鄭魏整字伯玉後遣趙誦字公梁案察中曹卓
行造作石積萬世之基或解高閣下就平易行者欣然
焉伯玉卽日徙署行丞事守安陽長

魏潘宗伯韓仲元以泰六年三月造此景元

四年十二月十日盪寇將軍淳亭侯譙國李苞字孝章

將中軍兵石木工二千人始通此閣道 宋南鄭令臨
淄晏柔釋此刻泰下一字不顯訂爲魏明帝泰和六年
至景元四年則蜀平之歲也 按漢唐棧道逕由石門今
則改徑七盤嶺上所謂鷄
頭關也而褒水夏漲時可由將軍
鋪東小舟過石門直至褒城東門

王遠石門銘此門蓋漢永平中所穿將五百載世代縣
廻戎彘遞作乍開乍閉通塞不恆自晉氏南遷斯路廢
矣其崖岸崩淪澗閣堙禡南北各數里車馬不通者久
之攀蘿捫葛然後可至皇魏正始元年漢中獻地褒斜
始開至於門北一里西上鑿山爲道峭岨盤迂九折無

褒城縣志

卷八

文物志

四

以加徑途巨礙行者苦之梁秦初附實仗才賢朝難其
人哀簡良牧三年詔假節龍驤將軍督梁秦諸軍梁秦
二州刺史泰山羊公建旗幡喙撫境綏邊盖有叔子之
風焉以天險難升轉輸艱阻表求自迴萬以東開創道
路釋負擔之勞就方軌之逸詔遣左校令賈三德領徒
一萬人將帥百人共成其事三德巧思機度情解意會
雖元凱之梁河德衡之損躡未足偶其竒起四年十月
十日訖永平二年正月畢工閣廣四丈路廣六丈皆填
谿棧壑砢險梁危自迴萬至谷口二百餘里連軌駢轡

而進徑哲所不工前賢所轍思莫不衷通焉王生履之
可無臨溪之嘆葛氏若存幸息木牛之勞於是畜產爐
鐵之利純錦斲駝之饒充初川內四民富實百姓息肩
壯矣自非思埒班爾籌等張蔡忠公忘私何能成其事
哉乃作銘曰龍門斯鑿大禹所彰茲巖乃穴肇自漢皇
道此中國以宣四方其功伊何旣逸且康去溪去阻匪
閣匪梁西帶汧瀧東控樊襄河山雖險漢德是強昔爲
畿甸今則關疆永懷古烈跡在人亡不逢殊績何用再
光水眺悠晶林望幽長夕凝晚露晝涵曙霜秋風夏起

褒城縣志

卷八

文物志

五

寒鳥春傷穹窿高閣有車麟麟成夷古道駟牡其駟千
載絕軌百兩更新敢刊巖曲以紀鴻塵

箕谷蜀志丞相亮伐魏使趙雲鄧芝爲疑軍據箕谷雲
芝兵弱敵強乃失利於箕谷然歛衆固守不至大敗

舊志

云箕山在縣北二十里有道人谷卽鄭子真隱處又云
箕谷在縣西南二十五里子真隱處有石刻王鳳三聘
啟並答書三通又載鄭子真宅及釣魚臺蓋以子真爲
褒人矣然漢書本謂谷口鄭子真在今醴泉非謂褒谷
也 顧氏方輿紀要載箕谷在寶雞
縣東南然趙雲屯兵處仍當近褒城

赤崖諸葛武侯與兄瑾書曰前趙子龍退軍燒壞赤崖
以北閣道緣谷一百餘間其閣梁一頭入山腹一頭立

柱於水中今水大而急不得安柱行志赤崖在南鄭西

絕棧道據南谷口蓋即褒谷也

斜谷後漢志武功有斜谷魏武言斜谷道為五百里石

穴諸葛武侯作木牛流馬運米斜谷口治郿閣按曹操征張魯

自陳倉出散關至河池攻屠氏王寶茂乃至陽平非由褒谷也武侯先揚聲由斜谷取郿實取祁山後由斜谷

出據武功五丈原斜谷今郿縣不在褒中然史漢每連言褒斜石門須詔書開余余即斜谷故仍錄於此

漢陽鄉漢書漢中第四縣曰褒中都尉治漢陽鄉蓋漢

郡並置都尉掌佐守典武職甲卒此漢中都尉分駐褒

中之漢陽鄉他郡多有此例如今分防府漢陽鄉未詳

褒城縣志同知舊說褒中都尉非也

六

其地明史褒城有漢陽關而南鄭舊有漢陽驛云舊志古有

鹿塘鄉今打鍾壩地又有龍河鄉今高臺壩地

讓水宋范栢年奉州將使至京見明帝對曰梁州有廉

泉讓水又問卿宅對曰居在廉讓之間按廉泉即廉

水其別源曰讓水南齊書栢年自梓潼徙華陽華陽在今褒城西境則栢年褒

人也考史栢年於宋廢帝時以步兵校尉為梁州刺史齊高帝時見殺明史褒城西南

有讓水一名遜水下流入沔水舊志在縣西南百三十里或曰即褒水非也

萬石城西都賦注萬石城沂漢上七里有褒谷水經注

漢水東合褒水又東逕萬石城下禹貢維指謂在褒城縣東蓋近褒水入褒

處約在今珍寶壩打鍾壩
府志謂在南鄭龍岡山

三交城水經注褒水逕大石門故棧道下谷又東南逕

三交城舊說城在三水之會一水北出長安一水西出
仇池一水東北出太白山故云三交城雖指謂

在褒城西北

迴萬道石門銘自迴萬以東開創道路又曰迴萬至谷

口二百餘里

按迴萬蓋在褒谷中又魏恭帝時開
回車路以通漢中未知即迴萬否

石牛道舊說秦惠王欲代蜀患道不通乃作五石牛以

金置尾下言能糞金蜀命五丁鑿道取之道成秦因使

張儀司馬錯引兵滅蜀

按寧羌州東北金牛峽一名五
丁峽舊志又指褒谷為石牛道

褒城縣志

卷八

文物志

七

皆事也

女郎山隋書褒城有女郎山府志沔縣東四十五里黃

沙驛南女郎山上有女郎冢下有女郎廟及擣衣石相

傳張魯女也蓋隋唐無沔陽縣則褒城西境得至黃沙

矣

王漁洋有
女郎廟詩

丙穴蜀都賦嘉魚出於丙穴注丙穴在漢中沔陽縣北

有魚穴二所水經注褒水又南得丙穴口

府志寧羌有
嘉魚洞沔畧

陽有大小丙山褒城箕山
南有丙穴蓋數處通有之

獵池舊說蜀王獵於褒谷見秦王以金一筥遺蜀王蜀

王報以禮物盡化爲土秦王大怒臣下拜貨曰土地也

秦當得蜀矣

舊志云箕山上有池四時不涸俗呼秦王獵池

褒國故址縣東三里駱駝坪

舊志禹第四子封褒君按史記禹之後有褒氏未必

果第四子也

褒姒并在駱駝坪

舊傳褒姒居此按褒姒本宮妾所生非褒產也

國語有褒姒即褒君獻

褒姒於王者

褒縣故址秦置褒縣漢曰褒中在今縣南十里打鍾村

舊說張良送漢王至褒中考高祖自杜南餽中入國良辭歸漢王更送至褒中高祖本紀甚詳張良傳乃省文

王

褒城縣志

卷八

文物

八

褒州故址唐武德初以西縣置褒州尋廢元又於鐸水

縣立褒州後廢移沔州來治按唐西縣在今沔縣西四

十里元鐸水縣東北至褒城六十里則今沔縣之舊州

鋪也兩廢褒州皆不在今褒城境若唐開元改梁州爲

褒州仍治南鄭

舊志褒州故址在打鍾村非也

褒國公隋宇文述武川人以平尉遲迥功進爵褒國公

唐宗室李麟出於懿祖從元宗幸蜀留總百司進封褒

國公卒諡曰德段志元臨淄人初封樊國公改封褒國

公卒諡忠壯

一作諡壯肅

貞觀十一年詔宗室功臣世襲都

督刺史段志元金州刺史國於褒則實有封地矣

考時漢

王元昌為梁州督都亦命世襲故志元刺金州云

褒中公晉王遜魏興人為寧州刺史威行寧土遣子澄奉表勸元帝即尊位賜爵褒中縣公卒諡曰壯子澄襲爵北魏韓果武川人以破稽胡功進爵褒中郡公北周韓明襲父爵褒中郡公

南城宋書州郡志晉義熙初譙縱之亂漢中移治魏興縱滅還治漢中之苞中

晉未改褒為苞

所謂南城也按晉索邈

刺梁州宋甄法護自梁州奔洋川是時梁州並治南城

褒城縣志

卷八

文物志

九

即苞中縣也蕭思話始還治南鄭宋省苞中北魏取漢中乃立褒中郡別置南城縣屬晉昌則在城固縣南非晉末宋初之南城也

廉水廢縣北魏有廉水縣屬褒中郡

西魏省

宋紹興四年

宇文介奏於南鄭縣南路置廉水縣以便民輸納紹定中廢入南鄭按廉水舊縣置廢皆係南鄭而其地址則在褒城七里壩間

武鄉廢縣北魏延昌元年置武鄉縣屬褒中郡有牛頭

山舊志並謂武鄉谷在南鄭東北三十里諸葛武侯

封此但漢時實未有武鄉縣魏書武鄉有牛頭山則當在褒城西境矣

華陽縣魏書華陽郡領華陽縣有廉水廉水在褒城則華陽當在褒境考縣西有華陽河舊志謂華陽在今沔縣東則地接於褒之西矣若唐開元析興道為華陽則

在今洋縣地

金牛廢縣唐開元中分縣谷置金牛縣寶應中省在今寧羌州東北七十里寰宇志稱金牛古褒縣地開元時自褒城縣西四十里故縣移就白土店即今金牛鎮也

褒城縣志 卷八 文物志

舊志謂省入褒城豈唐時褒城境得至此歟

黑水寨唐天復二年西川王建遣將王宗播攻破金牛

黑水西縣褒城四寨舊志謂有黑水廢縣在馬道西有舊蹟殘碑但宗播攻破者黑水寨

非縣也又諸葛武侯言朝發南鄭暮宿黑水則黑水即

黑龍江耳又唐光啟二年神策軍使張造率兵屯黑水

或云在城固亦未確至指為禹貢之黑水者尤謬舊志又謂有雲霧廢縣蓋在雲霧山側云有殘碣刻日龍

鎮坪

甘寧關隋書褒城有關官唐書褒城有甘寧關寰宇志

關在縣北九十里明史褒城北有鷄頭關設巡檢司又有虎頭

關在焦峇西北有漢陽關舊志古有米倉關松梁關並

在縣南交四川界

黃沙成漢建興十年丞相亮休士勸農於黃沙作木牛
流馬水經注漢水南有五丈溪溪水側有黃沙屯今黃
沙驛屬沔縣實與褒城連界顧氏方輿紀要以屬褒城
馬盤寨唐天復二年王建將王宗播攻馬盤寨克之寨
在褒城西北其卽馬道驛歟

陽平關亦曰陽安關又曰澧口城卽今沔縣西之古白
馬城也今於寧羌州西百六十里設陽平關州同非古
之陽平關也通典謂陽平關在褒城西北蓋本之後漢

褒城縣志

卷八

上人物志

十一

書注云

武休關宋嘉定中金人攻武休關遂入興元紹定四年
蒙古攻武休關截焦岩遂圍興元卽今褒城之武關河
與留壩交界

褒城驛故址在縣南二十里小栢鄉唐孫樵有記稱爲
天下第一驛元禎爲御史奉使東川宴於褒城驛實明

府廳虞鄉黃丞犯令逃去再使東川至褒城驛黃丞饋

酒觥舟禎與同酌作詩贈黃

見本事詩一說黃自解縣丞遷褒城令與禎再會

又禎爲御史鞫獄梓潼時白居易在京與名輩同游慈

恩寺小酌花下爲詩寄元元時果在褒城亦寄夢游詩
又有褒城驛詩

漢王城在縣治東北二十里相傳漢高祖因山築城樵

者時得矢鏃

按西鄉洋縣並有漢王城又云連城山有古將臺銅鳥山有韓信城又馬道河有蕭

何追韓信處有焚噲造橋大抵附會漢初事蹟爲多又縣西爲高帝射鴻臺東南有高帝藏劍岩云水經漢水

又經漢廟堆今褒城東亦

有漢王廟或曰在南鄭
鐵椿堰縣北三里許卽山河第一堰也椿以栢木爲之

在褒水中有石刻云此堰南鄭與褒城分修

褒一百五十五丈七尺七分並渠岸四百五十五丈飛槽二座南七十七丈三分及東澆渠岸六十丈飛槽一座並木料工食最詳水

褒城縣志

卷八

上又物志

十一

中有打又惠遠堰卽山河第二堰宋政和間勅賜名惠

遠云又山河廟臥碑前刻隸篆符印三十六顆覆刻顯

靈公奉敕如到奉行嘉定十一年十一月二十一日下

嘉定壬午六月十二日保義郎欽差興元府褒城縣令

王管勸農屯田事白巨濟立石

堰界石二上刻使府打量到下鑄古界從此石

宋乾道元年十一月初五日眉山史可觀記府貳視堰於此下刻制置大使司提舉修造張儀準相命徽自嘉

定三年至七年督責軍人董工治堰本年二月記

張公五井明知縣張庚因城中乏水開井五色人張棟

爲之記

畧曰褒城在連城山麓左繞龍江出東門不數步褒人取汲於斯然淋雨積則石脊海滑山水

暴漲則洋濁橫流不得已則淘沙洲之浸泉或走數里黃坡張公以庚戌夏來加意民隱詢諸長老甲寅夏度城南隅地窪於城隍廟旁集徒不數丈而及泉又於故養濟院及武安王廟城西丁字街口治四井俱潔洌可食辛卯歲盜起閉城賴以無患云

觀音碣舊曰閻王碣在堡子鋪北奇石挿天犀株林立飛湍

箭激凝爲深淵有舊碑在道左大書雲棧首險

本朝康熙初巡撫賈漢復煨石開道自此迄寶雞凡木

石之工九百三十八丈有奇又於此劔大石置闌楯行

旅便之賈中丞有修碣記畧曰雲棧中碣爲最險有燕

工月鑿之不能以寸烈火沃醢應手墮落不三日告成廣倍於前而碣失其險易閻王之名爲觀音人無不知

褒城縣志

卷八

文物志

十三

觀音之爲濟世慈航也宋琬爲作棧道平歌泐觀音碣崖石上

雍齒壩一作雍池壩舊傳有雍齒井舊志謂雍齒未嘗

矣然漢書張良傳封雍齒爲什方侯蘇林曰什方漢中縣蓋未分置廣漢郡時什方尚屬漢中也齒封侯傳及

曾孫當列侯之國時必由漢中矣

玉盆石在縣北褒水中天成石盆光潔如玉宋晏袤隸

刻玉盆字並作記又有石鏡在石門上光瑩如鏡可照

須眉又北有石鼓在褒水濱形如鼓圍一丈扣之有聲

與石鼓對者曰蝦蟆石高六尺許生質宛然又金華山

亦有石名蝦蟆者又石門南有手扒崖崖南爲一點池

石石壁刻宋鼎然山叟詩最險峭又縣南八十里山峽

中有圓石形似鼓中通溪水亦謂之石門又壽雲石在

滾雪灘右二石倚江文如壽字宋白巨濟書石壁上曰

滾雪又五龍石將軍石並在新定鋪又北有鯉魚石在

水中相傳鯉魚不過此石又堡子鋪有支鍋石青橋有虎石明御史

日虎石又銅鼎山有白石形如老翁土人云漢時土

唐公防祠後漢書郡國志褒中有唐公防祠神運水寨頂者按城固

縣志唐公昉王莽居攝二年為郡吏遇真人賜以神藥

時去家百餘里轉影即至郡人驚白府君府君遣吏收

昉妻子昉告其師師以藥飲其妻子塗其壁柱須臾大

風雲霧拔宅仙去考昉亦作房又作防褒城與城固毘近宜有其祠矣

金華龍骨塔在福嚴禪寺前宋修職游國佐有銘云金陵

老僧巖公所居後洞獲龍牙角各雙並大骨若干頰頰

觀鵲十數枚其夕夢縞衣巨人告曰此洞神龍所依樵

牧觸穢龍且去矣今德人蒞吾境山復清潔龍當復來

此其蛻也瘞之吉祥巖公異之乃即洞旁磐石累甃為

浮圖盡取牙角等骨而藏焉是時紹興甲子三月

羅帳塘縣東南八十里有大小二區奇峰清瀨環抱紫

鏡天生石盆石門

繞隆冬林木蒼翠不改褒城八景日雞頭關隘羅帳藏

春龍江晚渡中梁堆嵐褒斜石

紫檀香宋靖康元年八月大雨谷水入於漢川泛有紫

檀香約數尺

武安廟前有斷碑尚書王嗣宗撰記沙門道支篆額按武安廟今關帝廟也

靈芝明洪武十七年中梁山產靈芝二本一生於石若

青琅玕一生於石若赤珊瑚

廉水怪物嘉靖十二年有人於廉水隈飯牛見一物如

牛鵞嘴肉翅自潭中出聲如雷裹牛入水又十八年地

震漢水溢漂珍寶壩民舍二十九年褒水漲壞打鍾壩

民舍

舊志載褒漢水溢事甚多不俱紀

甘露嘉靖三十二年甘露降於啟聖祠栢樹上滴如凝

褒城縣志

卷八

文物志

十五

脂食之如密

龍潭壩

在縣北百里

嘉靖三十三年龍潭壩龍行

先是民屋中有泉護

之甚謹一夕夢曰吾明日當行須牢收鷄犬民如其言至午有赤蛇蜿蜒浮水面逾時漸長雲滃雷作頭角爪鬚俱全奮怒而去平地水深三尺山崩地裂隣舍俱沒樊橋蕩然而此家獨存明年秋熟有妖夜為螻蛄人面有痕

壞船 本朝康熙五年大風揚沙蔽日黑龍江岸有壞

船長二丈飛覆民屋

啞姑仙嘉靖時茅居馬道北仙人溝中頭禿口不能語

習於績紡得線常貯於篋忽一日語其嫂曰為我剃頭

嫂從之頭剃而髮髻淳淳然生矣向夕起升引線至南

鄭寶峰寺石崖跌坐而化土人偵知之護以金泥覆以

梵宇歲二月十五日遠近男婦拈香不斷聞粧塑時原齒三十六筋

骨二十六其異人如此今仙人溝上巨石足蹟傳是啞姑跨石超江處出漢中紀聞

陳處士字休復號陳七子唐時人狎於博徒行止非常

興元帥李當以其妖誕械之而市中又有一休復無何

殞於獄遽腐敗瘞之後宛在褒城李不敢復問一旦愛

女暴亡妻追悼成疾即延處士於初夜帷裳設燈炬畫

一門夜分見亡女自畫門出見北夢瑣言

褒城縣志

卷八

文物志

逆旅童子十餘歲秀而慧時鄭又元自唐興尉罷官過

褒城童子謂之曰我與君故人省之乎又元曰忘之童

子曰我太清真人也上帝以爾有道氣使我與汝為友

將授神仙之訣而汝性驕傲終不得道言訖忽不見出神

仙感遇傳

發冢盜唐光啟間褒中有盜發冢者經時搜索忽擒獲

淹禁經歲拷掠備至欵詞具連及數人及臨刑傍一人

忽攘袂大呼曰王法豈得枉殺平人發冢者我也我日

在稠人中不為獲斯人何罪旋出邱中賊驗之無畧差

潘帥復問向者之賊乃因箠楚不禁偽造以希一死於

是枉者獲免自言者亦補衙職出玉堂閒話

虛谷庵有虛谷道人自楚來結茅通莊子兼精醫術牛

頭寺唐法融禪師能馴伏野獸精嚴寺海東和尚弟子

如觀禪師善禪定栢林寺宋大師和尚寶峯寺明悟肅

禪師雲霧寺無窮和尚牛頭寺寶珠禪師並精禪偈雍西

寨觀音庵古栢周三圍高七丈許金泉寺古栢數株周七八尺

鬼谷先生墓舊志雲霧山黃草坪皆有之按蘇秦傳

東事師於齊習於鬼谷先生徐廣曰潁川陽城有鬼谷甘茂傳自殺

褒城縣志

卷八

文物志

十七

塞至鬼谷索隱曰鬼谷在關內雲陽鬼谷殆無定在也舊志又載有

褒德將軍墓在北鄉街傍有神惠泉相傳為蜀漢張凝冢上

多叢木人不敢伐考張凝為撫戎將軍攻盪冠將軍無褒德之稱然其子瑛封西鄉侯孫奕

為梁州刺史或顯神於此歟又雍池壩有丁公墓縣南龍河鄉有韓

子堅墓至明代卿士張表墓在高臺壩歐汝孚墓在天

池山傅汝礪墓在白崖窪縣東十里景承芳墓在官路北縣東

南七里石麟墓在石窟壩王之朝墓在打鐘壩張堪張垣

墓同在黃土坡北郭外一里何永清墓在長林鎮

史記河渠書褒斜材木竹箭之饒擬於巴蜀貨殖傳關
中四塞棧道千里無所不通惟褒斜綰轂其口以所多
易所鮮漢書地理志漢中淫失枝柱與巴蜀同俗蕭何
曰語曰天漢其稱甚美願大王王漢中養其民致賢人
收用巴蜀還定三秦天下可圖也三國志楊洪曰漢中
益州咽喉存亡之機會蜀都賦嘉魚出於丙穴良木攢
於褒谷華陽國志其民質直好義士風樸厚有先民之
遺晉書梁者言西方金剛之氣疆梁故因名州焉

說本風俗

通等書然古時又有大梁少梁諸地將何說焉

隋書梁州於天官上應參宿自

褒城縣志

卷八

文物志

十八

漢川以下皆其封域漢中之人質樸無文不甚趨利性
嗜口腹多事田漁雖蓬室柴門食必兼肉好祀鬼神尤
多忌諱有死輒離其故宅猶有張魯之風焉唐書興元
府土貢穀蠟紅藍燕脂夏蒜冬荀糟瓜柑枇杷茶歷觀
前紀褒城之土產民風可想見矣舊志稱山多田少民
勤耕織山南近蜀音似蜀人山北近秦音近秦人畏法
今謹供億讀書舊家有禮讓風近居民多非土著間有
澆俗其他歲時禮俗與他方無大殊者若其物產則水
田宜稻其最美者曰蓋草黃安南粘銀條粘旱地宜大

小麥及豆山地宜玉黍

俗名包穀

其黍稷各種亦備植焉蔬

菓花木竹草之屬亦莫不宜而牡丹海棠罌粟蘭葵屢見於前人吟述而芋可作飯山居賴之藥則黃菁紫苑虎掌防已乳香杜仲茱萸以漢產者爲佳飛走之類不殊他地鱗介則寡於城洋而多於鳳沔矣

孫樵褒城驛記曰褒城驛號天下第一及得寓目視其沼則淺混而茅視其舟則離敗而膠庭除甚蕪堂廡甚殘烏覩其所謂宏麗者哉訊於吏則曰忠穆公嘗牧梁州以褒城控二節度治所龍節虎旗馳驛奔輶以去以

褒城縣志

卷八

文物志

十九

來較交蹄劇由是崇侈其驛以示雄大蓋當時視他驛爲壯且一歲賓至者不下數百輩苟夕得其庇饑得其飽皆暮止朝去寧有顧惜心耶至如棹舟則必折篙破舷碎鷁而後止漁釣則必枯泉涓流魚盡而後止至有飼馬於軒宿隼於堂凡所以污敗室廬靡毀器用官小者其下雖氣猛可制官大者其下益暴橫難禁由是日益破碎不與曩類其曹八九輩雖以供饋之隙一二力治之其能任數百人殘暴乎語未既有老叅笑於前且曰舉今州縣皆驛也吾聞開元中天下富蕃號爲理平

踵千里者不裹糧長子孫者不知兵今天下無金革之聲而戶口日益破疆場無侵削之虞而墾田日益寡生民日益困財用日益竭其故何哉凡與天子共治天下者刺史縣令而已以耳目接於民而政令速於行也今朝廷命官旣已輕任刺史縣令而又促數於更易且刺史縣令遠者三歲一更近者一二歲再更故州縣之政苟有不利於民可以出意革去其甚者
在刺史則曰我明日卽去何用如此在縣令亦曰明日我卽去何用如此當愁醉醲當饑飽鮮囊帛櫃金咲與秩終嗚呼州縣

褒城縣志

卷八

文物志

三

真驛耶矧更代之隙黠吏寅緣恣爲奸欺以賣州縣者乎如此而望生民不困財力不竭戶口不破墾田不寡

難矣哉予旣揖退老叻條其言書於褒城驛壁

按孫樵當僖宗

幸興元詔赴行在寓褒城驛作此 忠穆公謂節度使嚴震

元禎褒城驛詩嚴秦修此驛水漲驛前池已種萬竿竹又栽千樹梨四年三月半新笋晚花時悵望東山去等閒題作詩 又贈黃明府詩昔年曾痛飲黃令困飛觥席上當時走馬前今日迎迤邐七盤路坡陀數丈城花

疑褒女笑棧息武侯征一種埋幽草空聞千載名 又

寄白居易詩夢君兄弟曲江頭也向慈恩院裡遊驛吏
喚人排馬去忽驚身在古梁州 白居易贈元詩日花
時同醉破春愁醉折花枝當酒籌忽憶古人天際去計
程今日到梁州

宋文同游石門詩凌晨走馬過花村先玩玉盆到石門

細想張良燒斷處巖前佇立欲銷魂

花村今河東店

唐卿石門巖壁詩峭壁矗雲三峽裡急湍翻雪五湖邊
何年造物施神力移到褒中小有天

本朝雷闢游石門詩舟挽沿涯上尋幽溪洞前鷄頭聳

褒城縣志

卷八

文物志

二十一

面起石壁矗雲懸伏步扳巖側握衣逐水邊足揚爭探
窟心性畏臨淵軒冕欣酬爵漁樵共煮鮮王城識故址
崖字弔先賢與逸忘歸路風飄促整鞭臨歧還上船隱
約夕陽天

王士正女郎廟詩朝過女郎道遙望女郎祠溪水疑環
佩春風學畫眉千林丹橘熟一徑碧苔滋日暮神靈雨
西風滿桂旗

梨人排馬去忽驚身在古梁州

